

DE POENITENTIA ADAMI.

sedi potius Virum aliquem, qui Jehovah ipse est, in cujus honorem & aeternam memoriam filium meum & humani generis primogenitum Kajin h. e. Jehovah est possessio mea, appellatum volo. Sic Schmidius. Cujus sententia cum Magno & Incomparabili nostro Calvio in Bibliis illustratis ad h. l. & nos accedimus.

Fidem Adami quarto, colligimus ex sacrificiis Filiorum Adami Gen. IV. 3. seqq. Unde enim sacrificiorum doctrina illis innotuit? an ex rationis lumine? ita quidem Jesuitæ & cum primis Job. Georgius Herberus Argentoratensis, quem dignis modis exceptit B. Dorschæus in Mys. Missæ cap. I. contrariumque invictis adseruit argumentis. Ergo ex revelatione, quæ vel immediata vel mediata mediante Adamo facta fuit. Posteriorem ipsi defendunt Pontificii Doctores. Vide Pererium Commentar. in Genes. Lib. VII. de Cain & Abel pag. 245. defendit sana ratio, quis enim ad hanc summe noxiam & exitialem ignorantiam damnaret Adamum? Neque argumentum procedit, nullibi legitur sacrificasse Adamum, ergo sacrificia ignoravit, aut sacrificiis Deum non reconciliavit, namq; sacrificiorū Isaaci ne verbo quidem mentionem sacræ literæ injiciunt. Ergo Isaacus non sacrificavit. Ergo sacrificiorum ignoravit doctrinam? Adami sacrificia sic describunt Talmudistæ (fidem autem suam quoad facti circumstantias ipsi liberent) in tractatu Avoth cap. I. verba ex versione B. Scheidii ita se habent: *Dixit primus homo, Væ mibi, quia peccavi, Deus Opt. Max. tenebris involvit mundum. Ipse enim nesciebat, bance esse mundi consuetudinom (quod vesperi sol oceideret & nox fieret.) Matutino autem tempore, ut vidit mundum iterum versus ortum lumen præbere, magna latitia perfusa est. Stetit & edificavit altaria, & obtulit bovem, cuius cor-*